

遣從事官先抄有罪入居而勒令之舉姑待豐稔且近者法禁解弛吏不奉行故前日之徙民逃還殆盡許接切隣其罪非輕故至死固諱見逃守令亦有罪責故匿不以數雖有刷還之法徒為文具而已今不先革此弊則雖逐年勒徙何益請各別申明一切刷還各曰徙有罪之人以實邊地此乃朝廷之本意而但有罪者孤軍入居不得安業故勒令之舉勢不獲已移徙之弊呼號怨痛之苦上下非不知矣今聞中原有請兵之奇果然則大事不可一時並舉當議于大臣而後發落申明刷還入居人事如啓○領議政尹殷輔等議啓曰今觀胡御史奏本以請兵我國為征虜首策不得不預為之備令兵曹廣考前例預為計畫且勒兵移民不可並舉姑停徙民以待實奇似當○政院以兵曹判書任權意啓曰臣有病而家在崇禮門外今已人定城門閉鎖請命留門出去傳曰如啓○夜巽方艮方南方有氣如火○慶尚道大丘府地震○戊申傳于政院曰昨日大臣議得之意言于司諫院○左承旨金明胤啓曰常時夜有出納之事則留宮城門固有例矣至於都城門則開於